



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–1/21-3-40-370-6/22**

Datum: **31.10.2022. godine**

«Agencija za vodno područje rijeke Save» rješavajući po zahtjevu pravnog lica, «IZOBIT» d.o.o. Brčko distrikt BiH za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona za proizvodnju proizvoda na bazi bitumena u Industrijskoj zoni grada Gradačca, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu, «IZOBIT» d.o.o. Brčko distrikt BiH za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona za proizvodnju proizvoda na bazi bitumena u Industrijskoj zoni grada Gradačca.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog pogona vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se u roku važenja ovog Rješenja uradi investiciono tehnička dokumentacija - Glavni projekat vanjskog uređenja (hidro faza), kojim će se detaljno obraditi sistem prikupljanja i tretman tehnoloških otpadnih voda koje mogu nastati u proizvodnom postupku i oborinskih onečišćenih otpadnih voda nastalih na predmetnom lokalitetu.
Projektna dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20).
 - 2.3. Da se u roku važenja ovog Rješenja izvedu radovi predviđeni projektnom dokumentacijom iz tačke 2.2. dispozitiva ovog Rješenja.
 - 2.4. Da se usvojenim tehničkim rješenjem iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent – rijeka Gradašnica, ostanu u maksimalno dopuštenim granicama definisanim članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.5. Objekte koji će se, nakon realizacije projektom predviđenih radova, koristiti u svrhu prikupljanja, odvodnje i tretmana tehnoloških i ostalih otpadnih voda nastalih na lokalitetu predmetnog pogona (slivnici i linijske slivne rešetke, uređaj za tretman otpadnih voda, kompletna kanalizaciona mreža...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Da se u roku važenja ovog rješenja ishoduje okolinska dozvola od nadležnog Ministarstva Tuzlanskog kantona.
 - 2.7. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 2.8. Nakon realizacije projektom predviđenih radova na sistemu prikupljanja i tretmana tehnoloških i drugih otpadnih voda, u prisustvu nadzora radova izvršiti potpuno blindiranje (zatvaranje) postojećih ispusta otpadnih voda u rijeku Gradašnicu.

- 2.9. Da se redovno održava tankvana u kojoj je smješten spremnik za mazut i periodično vrši ispitivanje vodonepropusnosti iste.
- 2.10. Građevinski materijal i ostali otpad nastao tokom izvođenja radova, te ostali opasni i neopasni otpad se ne smiju ni privremeno odlagati na česticu «vodno dobro», odnosno u vodotok i na njegove obale.
- 2.11. Čišćenje i održavanje uređaja za tretman otpadnih voda (nakon izgradnje) te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz separatora kao i preuzimanje drugog opasnog otpada.
- 2.12. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring a prije ispusta u recipijent u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.13. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.14. Korisnik je obavezan, u skladu sa propisima iz oblasti zaštite okoliša, vršiti bezbjedno skladištenje i postupanje sa opasnim materijama i otpadom nastalim na predmetnom lokalitetu do konačnog zbrinjavanja od strane ovlaštene organizacije (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Skladištenje rabljenog hidrauličnog ulja, zauljenih krpa i dr vršiti u namjenski izgrađenom natkrivenom prostoru sa vodonepropusnom podlogom. Redovno voditi evidenciju o uskladištenom otpadu.
- 2.15. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 1 (jedne) godine od dana pravosnažnosti ovog Rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.

12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice – korisnik, «IZOBIT» d.o.o. Brčko distrikt BiH, obratilo se ovoj Agenciji dana 21.07.2022. godine sa zahtjevom za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje otpadnih voda u prirodni recipijent sa lokaliteta pogona za proizvodnju proizvoda na bazi bitumena u Industrijskoj zoni grada Gradačca.

Uz zahtjev nije dostavljena dokumentacija koja je propisana članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) te je dopisom broj: UP-1/21-3-40-370-4/22 od 22.09.2022. godine zatraženo od podnosioca zahtjeva da istu dopuni.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o sudskoj registraciji broj: 096-0-Reg-21-000036 izdatog dana 21.01.2021. godine od strane Općinskog suda Brčko Distrikt BiH,
- Kopija Potvrde o registraciji #80012763 izdatog dana 24.02.2016. godine od strane Direkcije za finansije, Porezna uprava Brčko distrikta BiH,
- Kopija Ugovora o isporuci vode i odvodnji i prečišćavanju otpadnih voda zaključen dana 27.02.2015. godine između «HEMPRO» d.o.o. Gradačac i JP «KOMUNALAC» d.d. Gradačac,
- Kopija Rješenja o vodnoj dozvoli broj: UP-I/25-3-40-225-4/15 izdatog dana 27.07.2015. godine od «Agencije za vodno područje rijeke Save» Sarajevo (izdato za «HEMPRO» d.o.o. Gradačac),
- Ugovor o korištenju postrojenja i mašina za proizvodnju bitumenskih i hemijskih proizvoda zaključen dana 04.01.2021. godine između «IZOBIT» d.o.o. Brčko distrikt BiH i «HEMPRO» d.o.o. Gradačac,
- Izvještaj o ispitivanju otpadnih voda broj: 7-463-3405/21 urađen dana 13.10.2021. godine od strane «TQM» d.o.o. Lukavac (izvještaj urađen za «HEMPRO» d.o.o. Gradačac),
- Kopija Rješenja broj: 03-361-167/85 o upotrebi objekta izdato dana 10.11.1986. godine za ENERGOINVEST RO Rafinerija Bosanski Brod OOUR HEMPRO iz Gradačca od strane Republičkog komiteta za urbanizam, građevinarstvo, stambene i komunalne poslove Sarajevo,
- Kopija Zahtjeva za izdavanje potvrde o priključenju otpadnih voda pogona u gradski kanalizacioni kolektor upućenog JP «KOMUNALAC» d.d. Gradačac dana 29.08.2022. godine,
- Kopija dopune Zahtjeva za izdavanje potvrde o priključenju otpadnih voda pogona u gradski kanalizacioni kolektor upućenog JP «KOMUNALAC» d.d. Gradačac dana 20.09.2022. godine,
- Kopija Odgovora na zahtjev za izdavanje potvrde o priključenju otpadnih voda pogona u gradski kanalizacioni kolektor izdatih dana 14.09., 26.09. i 17.10.2022. godine od strane JP «KOMUNALAC» d.d. Gradačac,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog pogona u Industrijskoj zoni u Gradačcu te je sačinjen zapisnik o izvršenom uviđaju broj: UP-1/21-3-40-370-3/22 od 17.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

U sklopu Industrijske zone grada Gradačca lociran je pogon i postrojenje za proizvodnju proizvoda na bazi bitumena za koji je od strane Agencije izdato Rješenje o vodnoj dozvoli za ispuštanje tehnoloških otpadnih voda broj: UP-I/25-3-40-225-4/15 od 27.07.2015. godine na traženje «HEMPRO» d.o.o. Gradačac. Preduzeće je pod zakup izdalo predmetno postrojenje preduzeću «IZOBIT» d.o.o. Brčko distrikt BiH dana 04.01.2021. godine na period od 10 godina.

U procesu proizvodnje bitumenskih proizvoda koristi se bitumen (skladišti se u 3 nadzemna rezervoara kapaciteta 100, 150 i 250m³), mljeveni kamen, razređivači i razni aditivi. Kapacitet proizvodnje je oko 3.000 tona/god prerađenog bitumena u razne proizvode. Zagrijavanje bitumena se vrši preko kotlovnice na mazut koji se skladišti u nadzemnom rezervoaru kapaciteta 250m³ smještenog u tankvanu. Bitumen se zatvorenim sistemom cjevovoda transportuje u proizvodnu halu. U samom

procesu proizvodnje voda se koristi za hlađenje bitumenskih traka u vodenim kadama iz kojih se ispušta u podzemni rezervoar kapaciteta 300m³ a potom se sistemom recirkulacije vraća u sistem.

Snadbijevanje vodom za potrebe uposlenih je obezbijedeno priključkom na gradski vodovodni sistem a sanitarno fekalne vode iz toaleta za uposlene se priključuju na gradski kanalizacioni sistem kojim upravlja JP «KOMUNALAC» d.d. Gradačac. Prema Dopisu/odgovoru broj: 02/1-1463/22 od 17.10.2022. godine izdatom od strane ovog operatora, samo sanitarno fekalne vode predmetnog pogona su priključene na gradski kanalizacioni sistem. Tehnološke otpadne vode nastale pranjem i čišćenjem proizvodnog prostora i radnog platoa, zajedno sa onečišćenim oborinskim vodama sa platoa kompleksa, parking, manipulativnih površina i prostora pretakališta mazuta prikupljaju se i ispuštaju bez prethodnog tretmana recipijent – rijeka Gradašnica.

Na uvid dostavljen Izvještaj o ispitivanju otpadnih voda urađen dana 13.10.2021. godine od strane «TQM» d.o.o. Lukavac. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog kompleksa objekata i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-370-2/22 od 10.08.2022. godine.

Konstatuje se da je podnosilac zahtjeva, «IZOBIT» d.d. Ilijaš, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje otpadnih voda u prirodni recipijent sa lokaliteta pogona za proizvodnju proizvoda na bazi bitumena u Industrijskoj zoni grada Gradačca, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «IZOBIT» d.d. Ilijaš
Safvet bega Bašagića br 1, TC «MOST» lok 24, 76100 Brčko distrikt BiH
- AVP, ISV – Vodna knjiga
- Sektor 50
- Sektor 40, arhiva
- oglasna ploča – AVP Sava